

續修四庫全書

《續修四庫全書》編纂委員會編

續修四庫全書

上海古籍出版社

一三三九・集部・別集類

愧瘖集二十一卷（卷十一至卷二十一）〔明〕林大輅撰

桂洲詩集二十四卷〔明〕夏言撰

範東文集十二卷〔明〕劉隅集

西浙泉厓邵先生文集十卷 西浙泉厓邵先生詩集十卷（文集卷一至詩集卷七）

〔明〕邵經濟撰

一

一六九

三九五

四五

愧瘖集卷之十一

莆田二山野人林大輅稿

七言律

壬午元日書事二首

長樂鐘聲催午漏
楚江歸客喜初聞
清朝車馬開晴雪
元日公卿紀瑞雲
萬國椒花春浩蕩
九霄瓊樹曉氤氲
杜陵未獻江東賦
十載班班隨鷺群

燕乳鶯啼繞建章
鷓鴣行鷺序拜
君王宮花露

愧瘖集

十一卷

室

司

湛迎僊珮苑柳風微帶御香
天樂九重佳氣滿
日華雙闕曙鐘長
微臣祗念歌堯澤
遠志何曾補舜裳

萬年感事二首

二月四日到萬年風沙烟雨紛相連
野寂如聞山鬼嘯
溪湧安得江龍眠
民間懸磬泣兒女
縣令發棠爭後先
小麥未青大麥飽
吁嗟斗米直百錢

富家稻米倉不開
貧民馳逐官中來
高聲大叫

救溝壑赤脚蓬頭蒙塵埃
勃海使君遠料事青
州老子非凡材
相携菜色看將暮
獨立庭苔風雨哀

初夏同藩臬遊鐵塔寺用李川甫韻二首

僻地松篁爭隱映
炎天樓閣動清虛
禪機尚阻蓮花社
佛偈驚看貝葉書
春盡登臺還客况
雲深懸榻果吾廬
貪遊底事催歸馬
上界鐘聲月影疎

玄度支郎去不廻
百丰冠屐此徘徊
擬看竹院

愧瘖集

十一卷

商

司

連書報過花期
竝馬來寶塔
天清連暑氣
珠林雲碧動高臺
宦遊落落惟朋好
盡日詩篇與酒杯

聞馬子莘還莆

馬卿論事欲回天
西水朝來信息傳
梧鳳獨鳴金闕下
臺鳥初散玉階前
綠疇紅稻孤村雨
黃石青山萬樹烟
莫漫離憂添病髮
栖遲應覺著書便

餘于分綠亭與鐘天瑞參議話別

冬入江城喜薦觴高堂延客自焚香山青翠篠
迴陰磴日煖晴雲散畫梁四海親朋離別易百
年勳業話言長蹉跎真愧勞生拙耄老先君賢
有霜

南康九日望五老峯適崔都司來訪留飲
二首

南國風烟入舊遊孤城臺館肅清秋百年落落
黃花候五老時時紫氣浮却望雲津懷道侶虛
疑人世隔僊丘狂夫漫有藍田興况復崔郎竟

愧瘖集 卷十一

五

日留

重陽白髮依稀見搖落其如五老何對酒漫生
殢菊思看山虛憶採芝歌東南天地奇觀盡風
雨江湖變態多擬欲巢雲攬孤秀頻年行樂慰
蹉跎

夜宿開先寺卽事呈陳盤谿二首

楓樹筠林白露溥秋宵燈火遲征鞍僧鳴孤磬
雲山寂客到諸天薜荔寒翻媿風塵隨浪跡偶
談綠業散愁端蒼霞碧石尋常在江上重來路

未難

淨地名香有宿緣石門苓榻自流爭窓垂橘柚
秋山入幔接星河午夜懸湖海微塵吾亦幻乾
坤萬事爾能禪香爐雲紫龍湫白明真攜僧共
看泉

飲汪汝梁僉憲行臺

莫漫傷心泣素絲人間青史總支離旅懷共戀
盤中局豪氣頻歌雪後詩風靜江魚吹細浪月
寒林鳥坐高枝祇愁歲歲牽簪組夢裏青山歸

愧瘖集 卷十一

六

每澤

南康王守招遊廬山以疾新愈弗赴答詩

二首

棲賢遺勝寰中奇千古風流獨爾思漫欲移官
山長便若爲招隱洞仙疑紫霄鸞鵠春頻逗白
鹿烟霞夢俱遲聞說使君騎鶴獨供藥童歸曾有
新詩

萬年雙樹挿天青况復攜僧採藥行怪瘖掃雲
看瀑布簷林招鶴坐雞鳴遲迴遠道生還日狂

春吏隱情綠杖可能扶病骨敢辭五馬遲

湖口逢林別駕宜

故人邂逅意何如笑語猶除五老大觀
跨楚粵九江清影蘸佳廬漆園傲吏浮生達果
里潛夫往事虛十載朋情更踈濶豫章誰阻北
來書

雪後移舟湖口縣江干極目楚天長二孤天柱
雄南服九疊雲屏接大荒對客可禁流注子聞

愧瘖集 十一卷

歌聊復擬胡牀蓬窓夕翠寒流外夢入黃州把
菊觴

安遠山行

南州炎月瘴烟低馬首蒼茫路欲迷細雨長林
交翠壁亂雲芳草隔清溪村中候戍群吹角客
裏看山偶杖藜未得漢陰機事息柴門頻憶小
湖西

虔州逢方棠陵僉憲贈詩次韻二首

邂逅真傳消息至追陪翻喜笑言同兩江風雨

聯榻三月鶯花慰轉蓬避地我應慚靖節著
書君欲似楊雄白龍洞口他年約散髮行歌桂

樹風

野夫臥病春將半使節看君下嶺州毛義何緣
奉檄喜謝安那復出山謀朱幡赤舄還多事白
鳥滄江未散憂却憶故人書忽到計程應泛小
谿舟

十月七日誕日過葛谿呈謝先字二首

初冬至七又吾辰獨立看雲一愴神萬里江湖

愧瘖集 十一卷

爲客日十年臺省報恩身野懷欲與青山老
世事其如白髮新菊盞板觴聊慰意僕童應記
葛谿濱

潭影谿聲散午暉吏情羈思故相違詩書計拙
慙聞道歲月名浮已覺非黃鶴遠天還楚望白
雲舊國此萊衣鄉谿定與謝安約春酒留歡醉
莫歸

望鄉谿促舟放流有懷謝子

谿上荒烟野樹黃懷人獨坐夜焚香相期却訝

健鳥遠欲見其如一水長世事鄉山添詒柄離情雲樹倍年芳試看月色風牆隱擊鼓鳴柳任爾狂

別田希古主事

勝水名山非舊綠短歌長嘯共離筵客星相照金尊滿卿月初看玉樹懸懷往雲牽三楚夢倦遊風逗九江船思君倚棹吟佳句回首香爐生紫烟

九江別陳德威副憲

愧瘡集

十一卷

二十九

后

隔歲逢君意氣親玄談竟日挹芳塵開尊欲就天池曉下榻初逢栢府春病髮孤檣驚過楚壯心雙劍重懷人鶴田鸞閣終同老仲舉何如鄭子真

朗州江行懷馬伏波三首

蠻江簫鼓動行舟棠樹陰陰覆遠州許國半生空白壁懷人千古有清流雲中道宇舟丘淨天外僊源綠樹浮回首壺蘭情不極何年散髮詠三休

龍虎干旌白霧生樓船風雨望孤城三秋旅鬢霜前改千里郵程日暮征玩世獨憐真隱操觀風頻愧倦遊情清時建節知無補洞獠由來仰化成

建武平蠻今幾秋伏波英爽豈封侯炎崖鑿室非人境野戍連營似楚囚一劍光芒橫閭外五谿氛祲薄壺頭明珠薏苡堪垂涕遺恨當年馬少遊

遊白龍洞讀方思道題壁二首

愧瘡集

十一卷

七十五

后

梁尹張筵掃洞苔招提隱隱入雲開龍盤溪暝回歌席鳥度山青落酒杯嘉會漫酬千里重遊還憶十年來藥闌松塢驚心地獨撫流光白髮催

僊梵依微野色曛碧蘿蒼桂共氤氲石門月到前溪水野徑泉分別洞雲風雨棠陵空舊恨江山毛塢見遺文悽然欲洒懷人淚處處蛩聲那可聞

送以永侍御謫武義縣丞

柱史南來獨轉蓬
諫書遙奏大明宮
鳴臯鶴骨同人瘦
出匣龍精似爾雄
逐客哦松山月白
僊翁飛舄海雲紅
江花越榜生還路
不是藍橋擁雪中

讀方思道題壁因悼鄭繼之

近時南國稱才子
爾與閩山鄭繼之
烏石赤城連逸氣
芝田蘭畹綴春枝
都官愁鬢九溪短
漢使遊踪五嶺遲
十載題詩寄僧壁
空堂月色倍相思

愧瘖集 十一卷

浮槎館春望會師汝和

春城載酒到浮槎
獨館殘碑自歲華
太史風流芳草遍
書生門巷野桐斜
鶯聲別浦淹遲日
野色晴川逗晚霞
惆悵遠遊談舊事
村南開遍海棠花

度梅嶺寄汪汝梁

瓊樹花開早報春
暖風晴日抱清塵
賈生孤調憐才子
衛玠芳標比玉人
歸騎荒荒梅嶺路
別情眇眇月江濱
嗟予早晚辭榮祿
擬辦柴桑漉

酒巾

師汝和席上卽事

春日池塘遊小魚
碧筠蒼荔野人居
蕭條祇有瞻雲淚
飄泊那看種樹書
隔歲芳樽還我共
殊方青鬢逐年踈
邵平瓜候秋江冷
定向終南歸舊廬

復到浮槎館與師汝和飲別

出郭偶同遷客興
飄蓬翻愧野人群
尋花徑小娟娟日
移酒春深淡淡雲
五嶺風光憐共得
兩

愧瘖集 十一卷

江消息喜初聞
無端更問秦川路
醉裏新詩欲

贈君

烏蠻灘卽事

烏蠻灘上日風波
歸興其如芳草何
古廟神香留彩鷁
夕陽戍鼓出青蘿
參差石戟江流迅
錯落龍湫野渡多
千古伏波寄英爽
竹枝淒楚榜人歌

梧州呈提督東泉姚公二首

蒼梧山色敞雲屏
開府平臨紫氣清
漢室鄒枚

俱國士宋京韓范一書生降幡洞獠分龍節凱
樂仙臺奏鳳笙十載談經門下士征蠻遙識使
君情

漫郎劍佩試登堂六月霜臺儼鴈岡帷幄籌邊
肝膽赤風塵憂世鬢毛蒼虞廷二相馴苗虜殷
帝三年克鬼方勲伐未須論去就只今行部有
甘棠

喜逢鄉人留飲五首

我生四十已無聞抱病殊方帳白雲兩鬢蕭蕭

愧齋集

十一卷

七三

方

頻謝客一杯草草喜逢君月江賓榻風烟迥野

戎夷歌楚粵分逆旅談鄉慰閒寂朔鴻南燕惜

離群度兵楚兵俱屯月江

擊筑長歌遣四愁相看天際碧雲流滄江紫邏

非吾土黃菊青橙自達州畫餅文章驚楚玉屠

龍技業愧吳鉤司空自信三休老林叟何幸一

釣舟

友朋賓館曉相過蘋藻留歡意若何小集閒情

思北海奇遊遺迹慕東坡奕富煙渚浮觴滿釣

隱江楓倚棹歌六載一官非贈證吏情塵夢易
陰陀蘇公謫海外刻石紀遊

橫州雄堞月江城星斗璇霄麗漢京野菊娛人

寒菊斷沙鷗留客晚潮平漸老未應生白髮延

齡那復餌青精天涯桑梓雞峯洞漫許他年谷

口耕

百年如夢復如醒萬里遨遊思眇冥西廣弓旌

淹赤鴛南州風露灑青萍狂夫屢數真陽錄志

士能孤太史銘剩欲浮槎盼人世鯨波隨意訪

愧齋集

十一卷

七四

蓬瀛

貴縣賀萬壽節二首

九門旭日明天仗萬里黃雲繞建章野館鵷班

龍節近秋山庭燎禁烟長漢官禮樂徭齒識西

粵干戈帥府揚安得曲江金鑑錄共趨瑤闕獻

君王

五載孤臣遙仰聖千秋南甸迥生春關山鐘

鼓開黃幄臺省冠紳拜紫宸浮食無多甘漫

客逃名未老愧閒人玉橋閬苑傳宣日正想卿

雲繞鳳麟

貴縣逢范衢村憲副留飲

雄鎮誰堪紆北顧濟時君負出群才平蠻銅柱
雲間立浮海僊槎日下來蜃氣樓臺圍桂寢黎
禽風雨款蘭堦相逢斗酒談何劇共惜他鄉醉
未廻

別范衢村

范老胸中百萬兵天涯節鉞眇干城文章二紀
稱先達意氣千秋屈後生洞獠頓驚山菁少夷

愧瘖集

十一卷

七

方應報海波平相思後會知何日蓮酒月江空
復情

東省吾翁方伯

蔽垣栢府勤相問賓榻江舟兩月同小飲醉醒
慚浪客西歸早晚仗明公馬卿諭蜀文如錦謝
傳摧堅氣似虹歲晚談兵刁斗夜鉤簾更僕燭
花紅

橫州贈汪希會參議二首

十年南雋舊談玄澤國風流爾最賢玩世長騎

燕市馬逃名聊泛粵江船青霄冠履蔽垣月白
羽關山野戍烟笑接春光開潦倒殊方應有故
人憐

對君真似醉醇醪邂逅驚看已二毛五嶺烟霞
新著作百年湘漢舊風騷低雲驛樹分晴靄積
雨江聲漲午濤入夜相思何處笛倚蓬遙認客
星高

橫州遇張以敬來莆留飲舟中二首

月湄江城露氣浮南天蕭爽已深秋簡書戎馬
愧瘖集

十一卷

七

淹旋旆萸菊風煙共泛舟舊國豈孤元亮興清
時應有子長遊一尊款款谿山話欲採蘋花去
未由

十年邂逅橫州城怪爾頭毛白數莖落日江湖
眞泛梗秋風尊俎偶談兵魚龍吹浪海風細鳥
鵲栖枝山月明張翰才華胡蹭蹬殊方搖落遠
遊情

慰師汝和相見

名夔舊江西會
事謫戍于橫

九月蠻鄉已授衣緒風團露氣全微談兵祗愧
書生拙避地其如宦况違鳥道雲腥獵騎杳龍
宮江迥釣舟稀銷愁喜遇南遷客渭水秦山嘆
未歸

師汝和飲舟中

風塵昔日豫章路鄱水西山戰伐繁中允聲稱
逢世難夜郎心迹向誰論秦川月落看垂滄粵
戍村荒卧閉門斗酒酌君須酩酊夷歌幾處定
招魂

愧瘠集

十一卷

七

月江雨懷簡譚總戎

山雨冥冥連歲暮月江鷓鴣傍人飛愁多轉覺
寒聲急睡起俄驚曙色微世路萍踪何日定宦
情歸夢故山違元戎野宿旌旗在獨客舟航晝
掩扉

遊玉巖洞二首

玉巖雙洞煙雲深杖屨來過六月陰湖海風濤
虛翠壁乾坤芝草隔青林石門仙舄疑非遠野
客山衣懶不禁安得閒身酬勝日數峰遙寄故

園心

旅遊今日好懷開十里尋真濁酒杯仙鼠避人
栖不定靈鳥看客去還迴九關地隱烟霞楊孤
壁天低日月臺崖鼓石鐘聽欲暮布袍芒屨擬
重來

宿下歷巡檢司二首

停車遠道依山館下歷炎風未夕陽近渚浮烟
侵樹白連峯高壘入雲黃貌貅野曠軍麾靜鼓
角城荒晝漏長利水楠岡迷極目南來烟火日

愧瘠集

十一卷

七

淒涼

二地山
益日熾

吳粵分疆交嶺海夷方邊徼尚風塵山深豺虎
驕相飼野曠鷹鷂去獨馴十載行藏疑夢寐一
官懷抱愧經綸賦詩橫槊非今日緩帶輕裘有
古人

送人之太倉州學訓

倏看除目歲將陰贏得官閑價抵金漢室朗經
多白首吳門彈缺半青衿山中桃李陽春色江
上魚龍霄漢心點瑟韓檠俱樂事春明回首五

雲深

秋興三首

木葉鳴庭雲欲黃天涯寒色渺江鄉一枝苑樹
鷓鴣穩千里雲達驥足長賈誼清時增意氣楊
雄散地見文章懷人却值南飛鴈惆悵音書欲
寄將

天濶平沙急遠吹南來孤况逐時移省中日照
黃花淨城上雲來碧樹遲詩卷光陰醒客子軍
麾風雪動邊陲閉門退食栖鴉後隱几蕭條有

愧瘖集

十一卷

七九

所思

胡兒久遁犬羊微誰使邊烽起夕暉無路請纓
空按劍有時彈淚忽沾衣陰山龍在雲爭擁細
柳風高雪欲飛此日登壇須頗牧長安翹首凱
歌歸

邕州元日試筆

天上風光忽轉春詰朝雲物望中新椒花興達
一回首栢葉杯深初入脣臺省歲華蕃楊共江
潮羈旅楚歌頻却憐行止疑岐路四十年來報

主身

錢可容憲長談風洞之勝賦二首

偶談風洞開星牖正想苜蓿覆渚雲臺長平分
蒼玉杖山靈時絢紫霞文玄中混迹龍蛇性客
裏留情鹿豕群僊鳥翩翩今別去莫辭玉珮半
空聞

邂逅驚談選勝奇初春蓮酒盡清巖夢中玄圃
應憐汝海上丹丘欲付誰野鼎蒸霞芳石髓洞
簫吹月嬰瓊芝使君有道能招隱唯擬相從過

愧瘖集

十一卷

八

武夷

九日

吳詡菴方伯招集滕王閣
病不能赴移酒于舟賦謝

幾年客裏登高節隨意看山黃菊觴伏枕可禁
青簡召開尊相對白衣狂西山佳氣連雲閣南
浦清風繞桂堂天畔歌鐘聽欲暮漁歌病榻隔
滄浪

病起東吳靜之黃筠溪方伯胡仲弢憲長

張濯之副憲二首

南北萍踪歲偶同秋風江上幾青楓舟移南浦
淹多病藥近中年覺有功短髮欲分青鏡白衰
顏那借綠尊紅却慚泡沫身如寄逆旅生還仗
數公

夢中曾對白雲關欲向僊翁問大還撥悶呼童
歌白苧招龜對客話青山聚星頻喜高賢榻倚
玉深慚壯士顏試上江樓猶踴躍搏空鵬翮未
應攀

秋日登吹臺懷陳三宜二首

愧瘖集

十卷

八

三年作客過梁苑萬里思君上吹臺王粲悲愁
荆楚賦陳琳詞藻建安才斷雲海色青楓少落
日江聲白鴈廻三徑未歸鬢欲變天涯懷抱幾
時開

搖落清秋旅思頻詞壇憐爾二毛新燈前風雨
尊猶隔夢裏湖山路更真沙白天青連上郭菊
黃雲碧照西隣相思莫遣瑤華斷回首浮名愧
野人

建谿

獨客思家意屢驚九谿雲物迤行旌霜前鳥道
寒蕪綠秋後鷺峯瘴雨晴野老食芹懷往事漫
卽談劍激高情西陵吏隱今能記招鶴看雲到
楚城

晚過武夷

松樞桂闕淨丹丘紫屐黃冠虛碧流歷歷鰲峯
仙蛇晚荒荒洞笛野雲秋清時底用思招隱懶
性真慙賦遠遊南國多艱須料理秋風江漢未
消憂

愧瘖集

十卷

三

阻雨車盤驛館

懸旌未可紀行程吳水閩山此日情萬壑雷霆
喧永晝三秋風雨動高城蕭條旅食愁能遣寂
寞閒居賦未成藥裹書囊驚不理晚來烏雀向
人鳴

登漢江樓二首

勝日登臨百尺樓漢江東下楚天浮風帆極浦
煙波晚雲笛空山桂樹秋懷古直舒千里目撫
時長抱百年愁清平歌管知無數楊柳大堤似

舊遊

襄陽風日最娛人，仗鉞翻驚報主身。
山簡池塘空舊跡，羊公祠廟尚餘春。
一川蘋蓼還晴色，千里關山幾戰塵。
醉酒欲過棲隱處，鹿門耆舊暗傷神。

登仲宣樓二首

荊州樓觀雄南楚，禾黍秋風入壘平。
三國江山餘霸氣，西京豪傑獨詩名。
羈孤豈有風雲志，搖落其如桑梓情。
惆悵知君依鄴下，薄遊曾過洛陽城。

愧瘖集

十一卷

三

陽城

王子懷歸意不疑，萬方多難夕陽時。
登樓翻恨秦川遠，避地寧知漢鼎移。
巫峽寒潮征鴈杳，荆門落木暮猿悲。
瞻雲我亦違親舍，回首江門有所思。

桃源洞

漁釣扁舟一野人，白雲流水偶尋真。
神僊漫意逃秦網，澗壑何年闢楚津。
蔽野桑麻紅日靜，疎茅雞犬碧桃春。
三朝生息無征稅，不識人間有海城。

戰塵

得唐翁家信五章

望入晴雲迴海嶠，書傳白鴈自江邨。
韶華行樂春攜杖，耆舊追歡日到門。
山桂雲浮樊谷曉，巖松風動石谿痕。
清尊座滿還投轄，北海風流未足論。

多病癡兒懷遠道，高堂老母慰閒居。
守官不敢封魚膾，娛老長思侍板輿。
歲晚田園聊復爾，燈前麻枲更何如。
他時欲語甘棠化，俛首還驚墜

愧瘖集

十一卷

四

佩魚

烏石塘陰似會稽，華門風雨共幽棲。
爲官我已慙懷橘，養志君應罷煮藜。
繞膝兒童今更長，娛人圖史遠堪攜。
看雲臨水年來事，相對萊園有逸妻。

小第三齡能識字，汝兄千里重含情。
提攜知爾寒溫定，嬉笑隨人意氣橫。
的的荆花春不淺，依依蘭樹歲還榮。
滄江白髮看兒樂，雙鯉超超寄海城。

元方去歲辭江漢季子吾鄉覓棗梨望遠獨牽
黃鶴夢歸家頻寄碧山詩他年花萼還相映當
日麒麟敢漫期浪迹蘭臺驚報稱而翁班鬢欲
衰遲

擬登高吾山呈少司馬陳公二首

高吾山望于沅湘之間陳公讀書此山
巡撫江西歸復起爲兵侍歸皆栖遲精
廬若將終身別號曰高吾山人予久在
記憶適巡常德簡書糾紛又暑兩浹旬
欲登盼幽勝竟爾弗果他日來觀又
恐山靈子棄也漫呈鄙句以識予私

高吾萃兀擅奇觀况有繩牀苜蓿盤萬籟雲霞

愧瘖集

十一卷

金

迴谷口九霄風雨逗林端中興諸老多鳴鳳逸

叟三湘共紉蘭拓落衡山瞻舊隱未應吾道屬

艱難

瑤壇清寂羽人家漫擬憑雲躡露華塵世喚醒

芳草夢流丰開過碧桃花藏書石室光珠緯吹

笛虹梁駐彩霞行部祇應憂世故可能悵望楚

江涯

安鄉卽事二首

畫熊間俗安鄉縣草碧湖南萬里長岐路聞蟬

驚首憂踈簾看雨對滄浪綠疇伐鼓催農種白
水行歌聚釣航遲暮美人虛悵望木蘭回首楚
江香

江色荒荒烟入市村流漠漠水侵門春歸黃鳥

聲猶媚日午榴花晚自繁臺館浮踪看短劒江

湖今雨憶清尊鹿門山遠松蘿寂者舊誰招地

下魂

撫歷荆郡返楚城舟中八懷

東山

愧瘖集

十一卷

金

烏石松壇俯桂叢一尊留醉幾人同海門波動

晴峰碧巖樹嵐分夕照紅楊子著書長閉戶支

卽攜客慣談空秋風搖落淹歸旆湖雨湘雲入

望中

蘭陂

春日遲遲憶泛船故園幽事每隨緣望懸壺嶠

神僊宅興落蘭陂煙雨天近海山光迴席畔傍

簾草色入吟邊楚臺回首驚華髮谿鳥谿花祇

自憐

南山

郭外青山汗漫遊昔年曾臥讀書樓
聲石榻長聞雨海氣松齋早得秋
懷舊可能逢一笑戀時未敢賦三休
洞庭夢澤蛟龍泛鴻鴈嗷嗷有隱憂

玉澗

玉澗飛泉日夜鳴雞山回首十年情
碧雲壽域連書幌細雨春臺淨
奕枰載酒池清看飲鹿放歌林迴聽
啼鶯江湖夢及黃花候欲向滄洲覓

愧瘖集

八十一卷

七

舊盟

翁娛老所
佳城在焉

蔡谿

往歲唐翁訪蔡谿雙林蓊鬱入招提
懸知杖屨春常逗漫採松芝路不迷
花繞石壇雲隱几泉迴丹室藥盈畦
野橋晴雪虛無裏尊酒何年爲爾攜

唐翁道蔡
谿之勝

香山

谷口松光留曉杖海天秋色動寒杯
笑殮白玉林菰得醉索青絲竹笋來
猿鳥不驚霜葉徑煙

霞長戀雨花臺香山幽事如相慰
清磬將將送客回

古囊

黃子他年卧后峰古囊病客喜相逢
雲間下榻傳清笋竹裏刪詩及暮鐘
丹壑碧芝秋日事蒼霞白鶴野人蹤
蕭條欲灑西州淚雲樹江城翠幾重

麥斜

未辭簪綬二毛斑漫想餐霞可駐顏
苓榻飛泉

愧瘖集

八十一卷

八

滄海外洞簫歸鶴白雲間野人避地留丹竈
倦客憂時負碧山極目江天招隱路
石林樵谷舊松關

樵谷隱于此山之岩

登黃鶴樓二首

控鶴僊人去不回危樓長倚碧雲隈
江流抱日蒼煙斷野色橫山白鳥來
吳魏空遺諸葛恨曹劉曾惜禰生才
獨憐鸚鵡洲前月遙夜清光過楚臺

黃鶴樓頭一振衣熊旛龍節更情微
晴川對酒

歌頻發芳草撩人夢已稀雲裏兩山誇楚觀日
邊雙闕見神畿驛書近報胡塵息誰賦東山秦
凱歸

弔屈子祠并懷宋玉次李岑崖都憲韻二
首

澤畔行吟思黯然飛鳩鳴鳩暮雲天江潭何處
臣心苦關隴頻年使節傳適海旌旗還舊淚懷
人蘭芷自遺編獨憐漢水秦川月不照三閭玉
珮捐

愧菴集 十一卷

允

翩翩文藻高唐賦神女陽臺總夢魂夫子未忘
哀郢恨先生應念入官恩空山啼鳥悲遺隴舊
雨鳴鐘咽遠村地下從師知不異浮雲惆悵易
黃昏

登岳陽樓二首

岳陽樓閣俯人寰粵客重來意自閒萬里魚龍
迴洞野三秋風雨眇君山英雄割據空陳迹吳
楚平臨愜壯顏朱檻欲呼黃鵠遠碧峰疑聽玉
簫還

尊前賓從共風烟髣髴虛無太古前帝女祠深
雲暝竹軒皇臺寂水浮天凭欄樓閣星槎近開
府江湖漢節懸憂樂年來懷往哲秋風蓬鬢轉
堪憐

撫院池館卽事

電旗霜戟午亭靜夢澤瀟湘春水來爲問花期
過小苑偶聞鶯語坐平臺雲中消息邊烽滿漢
上年華朔鴈迴遠望依稀雙闕迴羣公定有濟
時才

愧菴集 十一卷

允

春後逢雪

忽忽春風吹潤蘋羈遊應念百年身鏡中白髮
曾知已海上青山却負人萬里催寒江色暮一
尊扶病雪花新羽書寂寞驚征戰烽火雲中直
照秦

有懷二首

黃鸝恰恰囀青林寒食蕭然別院深風雨自憐
多病日雲山誰識遠遊心川迴樹色荆門眇天
入江流漢浦陰欲問兩山麋鹿徑石門何日許